

REPUBLIKA E KOSOVËS

TELEKOMI I KOSOVËS SH.A.



KOMUNA E VUSHTRRIË



MEMORANDUM BASHKËPUNIMI

NDËRMJET

TELEKOMI I KOSOVËS SH.A.

DHE

KOMUNA E VUSHTRRIË

CP

6.2.

Preambula

Telekomi i Kosovës dhe Komuna e Vushtrrisë në vijim quhen "Palë".

Telekomi i Kosovës ka filluar projektin e madh të shtirjes së rrjetave telekomunikuese optike për ofrimin e shërbimeve telekomunikuese fikse brezgjërë (Internet, TV, telefon fiks) në tërë vendin, për secilën familje dhe biznes.

Ky projekt ka rëndësi kombëtare, sepse ofron shërbime të sigurta të internetit brezgjërë përmes fijeve optike, për secilën familje dhe biznes.

Qasja në internet përmes teknologjisë optike ka rëndësi vitale për të ardhmen dhe rritjen ekonomike të vendit.

Telekomi i Kosovës është pronë e popullit të Kosovës.

Rrjetat optike ndikojnë në zvogëlimin e kostove të gjithmbarshme mujore për shërbimet e internetit, si për qytetarët e Komunës së Vushtrrisë, po ashtu edhe për Telekomin e Kosovës në mirëmbajtjen e rrjetit.

Palët angazhohen të sigurojnë standarde të larta në shërbimet e internetit brezgjërë dhe t'i plotësojnë nevojat e qytetarëve për këto shërbime.

Roli i komunës për të garantuar suksesin e projektit është vendimtar.

Duke u mbështetur në rregulloret e Palëve dhe ligjet në fuqi,

Palët kanë rënë dakord të lidhin këtë Memorandum Bashkëpunimi, në vijim i quajtur "Memorandumi".

Neni 1

Qëllimi

1. Marrja e pëlqimit dhe lejes për lejin e punimeve në hapësirat publike në tërë territorin e komunës së Vushtrrisë, për Telekomin e Kosovës.
2. Mirëkuptimi dhe bashkëpunimi i plotë dhe i ndërsjellë, me qëllimin e vetëm që projekti i shtrirjes së rrjetave optike në komunën e Vushtrrisë të ekzekutohet dhe të përfundojë me sukses të plotë.

Neni 2

Roli dhe përgjegjësitë e Palëve

1. Bashkëpunimi sipas këtij Memorandumi realizohet si vijon:
 - a. Telekomi i Kosovës Sh.A:
 - i. Propozon listën e aktiviteteve që do të përfshihen në modernizimin dhe zhvillimin e rrjetave optike;
 - ii. Harton listën e rrugëve ku duhet të zhvillohet infrastruktura kablllore optike, duke përfshirë shtrirjen e gypave nëntokësorë dhe ndërtimin e pusetave;

EF

G.L.

- iii. Cakton një person kontakti në cilësinë e koordinatorit, i cili do të përgatisë njoftimin dhe raportimin e aktiviteteve që do të ndërmerren në kuadër të modernizimit dhe zhvillimit të rrjetave optike në secilën rrugë apo lagje;
- iv. Sigurohet që punët ndërtimore të kryhen sipas standardeve;
- v. Rikthen infrastrukturën e komunës në gjendjen e mëparshme, pas çdo ndërhyrjeje të mundshme në të.

b. Komuna e Vushtrrisë:

- i. Shqyrton listën e rrugëve ku duhet të zhvillohet infrastruktura kablllore nëntokësore;
- ii. Lëshon një pëlqim parimor për tërë projektin, për zhvillimin e punimeve për lokacionet e caktuara ku është e nevojshme ndërhyrja në infrastrukturën e komunës (p.sh. gropimi për shtrirjen e gypit, ndërtimi i pusetave, etj);
- iii. Cakton një person kontakti, i cili do të bashkëpunojë me personin kontaktues të Telekomit të Kosovës.

2. Palët marrin përsipër të kryejnë bashkërisht:

- a. Caktimin e modelit për certifikimin e punëve ndërtimore.

Neni 3 **Forma e bashkëpunimit**

- 1. Për të siguruar efikasitet në kohë, njoftimet mes Palëve dhe çdo komunikim tjetër do të realizohen nëpërmjet postës elektronike.
- 2. Telekomit të Kosovës njofton, nëpërmjet koordinatorit të caktuar, personin përgjegjës të Komunës së Vushtrrisë, lidhur me fillimin e aktivitetit për zhvillimin e punëve ndërtimore në rrugë apo lagje, jo më vonë se 10 ditë nga data e fillimit të aktiviteteve.
- 3. Personi përgjegjës i Komunës së Vushtrrisë, mban kontakte të rregullta lidhur me:
 - a. Listën e punëve ndërtimore që duhet të kryhen;
 - b. Afatin kohor të kryerjes së punëve ndërtimore;
 - c. Çdo aktivitet që lidhet me ekzekutimin e punëve ndërtimore.
- 4. Koordinatorit të Telekomit të Kosovës i dërgon personit përgjegjës të Komunës së Vushtrrisë skicën (vizatimet) e trasesë ku do të ekzekutohen punët ndërtimore, jo më vonë se 5 ditë nga data e fillimit të aktivitetit.

Neni 4 **Vlerësimi i zbatimit të Memorandumit**

- 1. Palët marrin përsipër të vlerësojnë bashkërisht zbatimin e Memorandumit, nëpërmjet hartimit dhe paraqitjes së një raporti periodik me shkrim, në përfundim të çdo viti kalendarik.
- 2. Raporti përmban, krahas të dhënave për ecurinë e zhvillimeve të aktiviteteve të kryerjes së punëve ndërtimore gjatë një viti kalendarik, edhe rekomandimet konkrete për adresimin e problematikave të evidentuara.

Neni 5 **Komunikimi ndërmjet palëve**

- 1. Palët angazhohen të mbajnë një komunikim të vazhdueshëm ndërmjet tyre dhe të shkëmbejnë çdo informacion të nevojshëm për përmbushjen e detyrave të tyre. Komunikimi do të bëhet në

G.L.

formë elektronike. Në çdo rast të paraqitjes se një kërkesë, palët angazhohen të japin përgjigje brenda 5 ditëve.

2. Palët angazhohen të jenë të disponueshëm në çdo kohë për komunikim dhe koordinim me njëri-tjetrin, me qëllim të dakordimit të veprimeve që duhet të ndërmerren rast pas rasti.

Neni 6

Ndryshimi i Memorandumit

1. Secila palë mund të propozojë plotësimin dhe ndryshimin e këtij Memorandumi.
2. Çdo plotësim dhe ndryshim i këtij Memorandumi do të bëhet me shkrim dhe me pëlqimin paraprak të palëve nënshkruese të marrëveshjes.

Neni 7

Kohëzgjatja e Memorandumit

Ky Memorandum është i vlefshëm për periudhën 1 janar 2025 – 31 dhjetor 2027.

Neni 8

Zgjidhja e mosmarrëveshjeve

1. Çdo mosmarrëveshje lidhur me interpretimin ose zbatimin e këtij Memorandumi zgjidhet me mirëkuptim ndërmjet palëve.

Neni 9


Hyrja në Fuqi

Memorandumi hyn në fuqi ditën e nënshkrimit të tij nga palët.

Memorandumi përgatitet dhe nënshkruhet në dy (2) ekzemplarë, një për Telekomin e Kosovës dhe një për Komunën e Vushtrrisë.

Nënshkruar në Prishtinë, 21/01/2025

Telekomi i Kosovës Sh.A.


Burbuqe Hana
Kryeshefe Ekzekutive



Komuna e Vushtrrisë


Ferit Idrizi
Kryetar i Komunës së Vushtrrisë





G.L.